

SHALDOR  
skoðun 12



2 SÉRBLÖÐ  
í Fréttablaðinu  
Allt  
Fasteignir.is



Ný sýn á ferðabjónustu  
Gíslunn og Mathias vilja  
tvinna saman ferðabjónustu  
og orkuíðnað á Íslandi.  
allt 2



# FRÉTTABLAÐIÐ

Mánudagur

6. febrúar 2012  
31. tölublað 12. árgangur  
Sími: 512 5000

MEST LESNA  
DAGBLAÐ Á ÍSLANDI\*

\*Samkvæmt retriðalokunum Capacent Gallup júlí - september 2011



## Dagur leikskólans

Formaður leikskólakennara  
segir frjótt og gott starf  
unnið innan leikskólanna.

tímamót 18

## Lífeyrissjóðir nánast það eina sem stendur

Flest sem kemur fram  
í úttekt á starfsemi  
lífeyrissjóðanna var vitað,  
segir Arnar Sigurmundsson.

lífeyrissjóðir 8




## Slær í gegn í Swansea

Gylfi Þór Sigurðsson var  
maðurinn á bak við sigur  
sinna manna um helgina.

sport 26

## veðrið í dag



**ALLHVASST V-TIL** Í dag verður  
rigning eða súld S- og V-til og  
allhvasst. Hægari vindur A-til og  
þurrt að kalla NA-lands. Lægir í  
kvöld. Hiti 5-12 stig.

VEÐUR 4

# Vildu loka Þjóðleikhúsinu

Haustið 2009 lagði fulltrúi AGS á Íslandi lokun menningarstofnana ríkisins til sem sparnaðarleið. Þjóðleikhúsið var sérstaklega nefnt sem dæmi um fórn sem nauðsynleg væri að færa, eins og það var orðað.

**FJÁRMÁL** Fulltrúar Alþjóðagjaldeyrissjóðsins á Íslandi gerðu það að tillögu sinni um það leyti sem fjárlagagerð stóð yfir haustið 2009 að loka ríkisreknum menningarstofnunum í sparnaðarskyni. Þjóðleikhúsið var nefnt sérstaklega á nafn og skyldi lokunin standa í þrjú ár. Tillögu AGS var alfarið hafnað.

Þetta kom fram í máli Katrínar Jakobsdóttur, mennta- og menningarmálaráðherra, á Alþingi á föstudag þegar hún flutti munnlega skýrslu fyrir þinginu um málefni safna hér á landi. „Og þetta var nefnt í fullri alvöru,“ sagði Katrín.

Í viðtali við Fréttablaðið útskýrir



Og þetta var nefnt í fullri alvöru.

KATRÍN JAKOBSDÓTTIR  
MENNTAMÁLARÁÐHERRA

ráðherra að þegar hugmyndin var orðuð við íslensk stjórnvöld hefðu fulltrúar AGS í sjálfu sér ekki gert sérstakan greinarmun á menningarstofnunum sem þeir töldu að mætti loka í þrjú ár í sparnaðarskyni.

„Þetta var meðal ýmissa hugmynda þeirra um niðurskurð og samdrátt, og nefnt sem fórn sem gæti þurft að færa,“ segir Katrín. „Almennt var það nefnt

sem lausn að loka stofnunum tímabundið.“

Að sögn Katrínar voru allar menningarstofnanir sem reknar eru af íslenska ríknu undir í hugmyndinum AGS, til dæmis höfuðsöfnin Listasafn Íslands og Þjóðminjasafnið. Af hálfu íslenskra stjórnvalda hafi slíkar lokanir þó aldrei komið til greina.

Þessar hugmyndir AGS sýna vel hvers konar áskorun stjórnvöld stóðu frammi fyrir þegar niðurskurðarhnífurinn fór á loft eftir hrúnið en Katrín nefnir að aðgerðir eins og þessar hefðu haft gríðarlega neikvæð áhrif á íslenskt samfélag, og öðruvísi væri yfir að líta hér á

landi ef þessum hugmyndum AGS hefði verið gefinn frekari gaumur. Hugmyndunum hafi hins vegar verið hafnað samstundis og ekki ræddar sem möguleiki við aðhaldsaðgerðirnar sem þá gengu í garð.

Við Þjóðleikhúsið starfa milli 400 og 500 manns á hefðbundnu leikári. Í ársskýrslu leikhússins fyrir árið 2010 kemur fram að aðsókn jókst fimmta árið í röð; tæplega hundrað þúsund manns sóttu 24 sýningar.

Á fjárlögum ársins 2010 var fjárveiting til Þjóðleikhússins rúmlega 700 milljónir króna en 647 árið 2011. Á fjárlögum þessa árs eru milljónirnar 679. - sh



## KLAKAVERÖLD Í SVISS

Eigandi þessarar bifreiðar við bakka Genfarvatns í Sviss ætti væntanlega fullt í fangi með að skafa af rúðunum, ef honum dytti í hug að hreyfa bílinn, en þá væri eftir að losa dekkinn úr klakanum. Það spillir þó ekki ánægju stelpunnar sem gengur framhjá, enda nýtur hún stuðnings pabba síns og afa.

FRÉTTABLAÐIÐ/AP

Vinir Sjonna vinsælir:

## Eftirsóttir hjá útlendingum

**TÓNLIST** Vinir Sjonna njóta enn mikilla vinsælda ári eftir að sveitin steig á svið fyrir Íslands hönd í Eurovision-keppninni í Þýskalandi.

Sveitin, sem flutti lagið Coming Home í keppninni, hefur síðan þá fengið fjölda fyrirspurna frá útlöndum, einkum í gegnum íslenskar ferðaskrifstofur og fyrirtæki sem halda ráðstefnur hérlendis.

„Það hafa verið að koma hingað hópar frá Evrópu sem hafa spurt hvort þessi hópur sé ennþá starfandi og spilahæfur og hvort hægt sé að fá hann til að skemmta,“ segir Pálmi Sigurhjártarson úr Vinum Sjonna. „Við erum alltaf boðnir og búnir þegar við getum. Það er skemmtilegt að þetta atriði okkar hafi vakið athygli í Eurovision og að fólk sé að þæla aðeins í þessu.“ - fb / sjá síðu 30



PÁLMI  
SIGURHJARTARSON

16 dagar  
til Öskudags

Sjáðu búningana okkar  
á Facebook



Barnabúningar: 1.490  
2.990 og 4.990

PARTY BÚÐIN  
ALLT FYRIR VEISLUNA  
Faxafeni 11 • sími 534 0534

Áætlað er að ráðast í Hverahlíðarvirkjun með svonefndri verkefnafjármögnun:

## Lífeyrissjóðir fjármagni virkjun

**VIÐSKIPTI** Náist samningar milli Orkuveitu Reykjavíkur (OR), lífeyrissjóðanna og Norðuráls verður lagt upp í gerð Hverahlíðarvirkjunar með svokallaðri verkefnafjármögnun. Selja á orku úr virkjuninni til álvers Norðuráls í Helguvík.

Samkvæmt heimildum Fréttablaðsins fengu OR og Norðurál KPMG til þess að leita lausna á þeim hnút sem orkuöflun til virkjunarinnar var komin í.

Í fyrra komst gerðardómur að því að orkusamningar Norðuráls og HS Orku skyldu standa. Hugur OR mun ekki hafa staðið til að fara sömu leið með samninga sína við Norðurál.

KPMG hefur þegar kynnt stjórn OR hvernig ráðast mætti í gerð virkjunarinnar með því að stofna



HELGUVÍK Orka úr fyrirhugaðri Hverahlíðarvirkjun yrði seld til álvers Norðuráls í Helguvík.  
FRÉTTABLAÐIÐ/GVA

um hana sérstakt félag, sem að stærstum hluta yrði í eigu lífeyrissjóðanna.

Herma heimildir blaðsins að Norðurál sé opið fyrir viðræðum og lífeyrissjóðirnir jákvæðir fyrir fjármögnun.

Síðastliðinn föstudag kynnti svo forstjóri OR málið fyrir sveitarstjórnarmönnum sveitarfélaga sem að OR standa.

Verði af verkefninu gangast Orkuveitan og eigendur hennar ekki í ábyrgðir vegna lána tengdum verkefninu.

Orkuveitan sér hins vegar um byggingu og rekstur virkjunarinnar samkvæmt samningi þar að lútandi. Orkuveitan á jafnframt jarðhitasvæðið, en leigir félaginu nýtingarrétt. - óká

Heimilis  
RIFINN OSTUR



370 g  
100% ISLENSKUR OSTUR





## Meirapróf



Upplýsingar og innritun í síma 567 0300 / 894-2737

Nýtt námskeið hefst 8. febrúar



Frá ECCS-verðlaunaafhendingunni. Gunnar Hafsteinn er sá þriðji frá vinstri í hópi nokkurra vinnufélaga og fulltrúa arkitekta, verktaka og eigenda byggingarinnar.



Gunnar Hafsteinn Ísleifsson verkfræðingur.

### Framhald af forsiðu

„Sem sérfræðingur verkfræðifyrirtækisins Grontmij A/S var ég ábyrgur fyrir hönnun stálburðarvirkisins í byggingunni,“ segir Gunnar. „Og það var nú einmitt hönnun stálburðarvirkisins sem var verðlaunuð af ECCS, þannig að ég kalla þetta stoltur bygginguna mína. Þess má geta að byggingin var enn fremur verðlaunuð í haust af LEAF, Leading European Architects Forum, fyrir „Best Structural Design of the Year“ en arkitektar hennar voru Schmidt Hammer Lassen architects.“

Gunnar hefur verið búsettur í Danmörku í tuttugu ár, fór þangað í verkfræðinámi að loknu tæknifræðinámi hér heima og flentist. „Ég er samt alltaf Íslendingur og konan mín er íslensk þannig að við lítum enn á okkur sem íslenska fjölskyldu,“ segir hann.

Byggingin hefur vakið mikla athygli innan og utan Danmerkur og þykir falla einstaklega vel inn í umhverfið við höfnina, auk þess að vera meistaralega hönnuð. Burðarvirkið er stálgrind, hönnuð af Gunnari, og eitt af því sem



Kristallinn þykir falla einstaklega vel inn í umhverfið við Kalvebod Brygge.

MYND/SCHMIDT HAMMER LASSEN ARCHITECTS.

vekur undrun og aðdáun bæði sérfræðinga og leikmanna er að hún hefur aðeins þrjú þyngdarpunkta. Þetta gerir að verkum að bygg-

ingin virðist úr fjarlægð svífa í lausu lofti eins og sjá má á meðfylgjandi myndum.

fridrikab@frettabladid.is


## Fengu verðlaun fyrir nýja sýn á ferðapjónustu á Íslandi

Gíslunn Hálfánardóttir og Mathias Kempton, nemendur við Arkitekta- og hönnunarskólann í Ósló, voru verðlaunuð af Norsku byggingasýslunni fyrir verkefni á sviði sjálfbærrar hönnunar. Verkefnið snérist um að tvinna saman ferðapjónustu og orkuviðnáð á Íslandi.

Verkefni Gíslunnar og Mathiasar ber heitið „National purist routes – Industrial Expansion and Moving Icelandic Landscapes.“ Gíslunn segir verðlaunin hafa mikla þýðingu fyrir framtíðarhorfur verkefnisins þó að of snemmt sé að segja til um hvort það komist í framkvæmd.

„Vonandi verða verðlaunin til þess að vekja áhuga fólks á hugmyndinni. Okkur langar til að geta haldið áfram og kynna verkefnið á Íslandi,“ segir Gíslunn. „Við förum tvær ferðir til Íslands við vinnslu verkefnisins og töluðum við fólk í ferðapjónustu, hjá Landsvirkjun, Háskóla Íslands, Ferðamálastofu og hjá Íslenskri NýOrku. Okkur var alls staðar tekið opnum örmum og við viljum koma þakklæti okkar á framfæri við þá sem tóku á móti okkur,“ segir Gíslunn.

Beðin um að lýsa verkefninu í stórum dráttum segir hún það snúast um möguleikana á að ferðapjónusta og orkuviðnáður geti farið saman frekar en að líta



Sama lönið og Kárahnjúkavirkjun nýtir til raforku, nýtt til framleiðslu á vetni.



Verkefnið gengur út frá því að settar yrðu upp vetnisstöðvar um allt land í tengslum við áhugaverða staði og starfsemi.

MYND/GÍSLUNN HÁLFÁNARDÓTTIR OG MATHIAS KEMPTON



Gíslunn Hálfánardóttir og Mathias Kempton heimsóttu meðal annars Landsvirkjun við vinnslu verkefnisins. Þau segja ferðapjónustu og orkuviðnáð geta vel farið saman.

þeim? Verkefnið gengur í grófum dráttum út frá samvinnu Ferðamálastofu og Íslenskrar NýOrku en að einkaaðilar legðu til bíla og vetnisstöðvar. Stöðvarnar yrðu settar upp um allt land, í samhengi við áhugaverða staði eða starfsemi,“ útskýrir Gíslunn.

Hægt er að kynna sér verkefnið nánar á heimasíðu þeirra [www.puristroutes.com](http://www.puristroutes.com)

heida@frettabladid.is



**Sprengisandur**  
kraftmikill þjóðmálaþáttur

Sigurjón M. Egilsson stýrir Sprengisandi á sunnudagsmorgnum kl. 10–12

**BYLGJAN**  
989